



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ք. Երևան

28 նոյեմբերի 2018թ.

ՈՐՈՇՈՒՄ ԹԻՎ 038746-2

ՀԱՐԿ ՎՃԱՐՈՂԻ ԱՐԳԵԼԱՆՔԻ ԵՆԹԱԿԱ ԱՅԼ ԳՈՒՅՔԻ ՎՐԱ ԱՐԳԵԼԱՆՔ ԴՆԵԼՈՒ ՄԱՍԻՆ

ՀՀ ՊԵԿ իրավաբանական վարչության հարկադիր գանձումների բաժնի գլխավոր մասնագետ Վ.Ավետիսյան, մասնակցությամբ նույն բաժնի 1-ին կարգի մասնագետ Հ.Հակոբյանի, համաձայն ՀՀ ՊԵԿ նախագահի 06.11.2018թ. թիվ ԱՀ 038746 հանձնարարագրի և ուսումնասիրելով հարկ վճարողի հարկային գործը, թիվ 1452/06-Ա վարչական վարույթի նյութերը.

Պ Ա Ր Զ Ե Ց Ի

Համաձայն հարկային մարմնում առկա անձնական հաշվի քարտի տվյալների Ա/Ձ Ալեքսեյ Զանբարյանցի (ՀՎՀՀ՝ 86541238, պետ. գրանցման համար՝ 269.969148, անձնագիր՝ AN0254129, հասցե՝ ք.Երևան, Եղբայրության փող., 16-16) վերաբերյալ 04.07.2018թ. ՀՀ ՊԵԿ իրավաբանական վարչության պետի կողմից կայացվել է թիվ 1452/06-Ա որոշումը՝ 827.091 դրամ գանձելու վերաբերյալ /ապառք՝ 541.501 դրամ, տույժ՝ 124.224 դրամ/:

27.11.2018թ. դրությամբ 04.07.2018թ. թիվ 1452/06-Ա որոշման շրջանակներում չկատարված հարկային պարտավորությունը կազմում է 827.091 դրամ:

ՀՀ հարկային օրենսգրքի 431-րդ հոդվածի 2-րդ մասի 1-ին և 2-րդ կետերի համաձայն Ա/Ձ Ալեքսեյ Զանբարյանցի բանկային հաշիվներում դրամական միջոցների բացակայության հետևանքով անհրաժեշտ է ղեկավարվելով ՀՀ Հարկային օրենսգրքի 431-րդ հոդվածի 2-րդ մասի 3-րդ կետով արգելանք կիրառել արգելանքի ենթակա այլ գույքի վրա:

Վերոգրյալի հիման վրա, ղեկավարվելով ՀՀ հարկային օրենսգրքի 429-րդ 430-րդ և 431-րդ հոդվածներով՝

Ո Ր Ո Շ Ե Ց Ի

1.Արգելանք դնել Ա/Ձ Ալեքսեյ Զանբարյանցի (ՀՎՀՀ՝ 86541238) պատկանող արգելադրման ենթակա այլ գույքի 827.091 դրամի չափով:

2. Նրան արգելել տնօրինել, տիրապետել, օգտագործել արգելադրված այլ գույքը:

3. Որոշման պատճեն մեկ օրյա ժամկետում ուղարկել ՀՀ ՈՍ ԾՈ, ՀՀ ԱԳԿՊ կոմիտե, ՀՀ ՊԵԿ մաքսային ծառայություն և Ա/Ձ Ալեքսեյ Զանբարյանցին:

4.Արգելանք դնելու մասին որոշումը պարտադիր է բոլոր պետական մարմինների, տեղական ինքնակառավարման մարմինների պաշտոնատար անձանց, կազմակերպությունների ու ֆիզիկական անձանց համար և ենթակա է կատարման Հայաստանի Հանրապետության ամբողջ տարածքում:

5. Սույն որոշումը կարող է բողոքարկվել հարկային մարմին /երկամսյա ժամկետում/ կամ ՀՀ վարչական դատարան: Որոշման արտադատական կարգով բողոքարկումը, համաձայն ՀՀ հարկային օրենսգրքի 432-րդ հոդվածի 5-րդ մասի, չի կասեցնում որոշման կատարումը:

Սույն որոշումը ստանալու պահից Դուք նախագրուշացված եք արգելադրված այլ գույքը վատնելու, օտարելու, թաքցնելու կամ ապօրինաբար մեկ ուրիշին հանձնելու դեպքում վարչական կամ քրեական պատասխանատվության ենթարկվելու մասին:

Վ.Ավետիսյան

/ստորագրությունը/



/ստորագրությունը/

ստացա որոշման մեկ օրինակ

/ստորագրությունը/

/հարկ վճարող/